

# MME UDQÑ YE UDUAK ANDITIENE-CHRIST

Ñwed Mbon Colossae 2:20-23; 3:1-25.

QYQHQ UKPEP-ÑKPQ 411

Eke Ikpọ Owo

**IKQ IBUOT:** “Nte mmọ emi Abasi ekemekde, emi Abasi akanamde mmọ esana onyuñ amade, eda ndien esit mbom esine, ye mfon-ido, ye nsuk-idem, ye ifure-ifure ido, ye ime; eme ime ye kiet eken, enyuñ efen kiet eken, edieke owo mbufo ekededi enyenede ikọ ye owo, kpa nte Qbọñ ekefende mbufo, efen mmọ enwen kpasuk ntre” (Ñwed Mbon Colossae 3:12, 13).

## I Edikpa Ye Christ Ye Eriset Ye Christ

Anditiene-Christ akpa ye Christ, oro edi ndikpọñ mme ñkpọ ererimbot, Ñwed Colossae 2:20-23; 3:3; Ñwed Mbon Rome 6:1-6; 1 Peter 2:24.

Anditiene-Christ eset ye Christ ndidu obufa uwem, Ñwed Mbon Colossae 3:1-4; 2 Ñwed Corinth 5:17; Ñwed Mbon Ephesus 2:1, 5, 6.

## II Akani Owo Ye Obufa Owo

Ana nte emen akani owo ye idiok edinam esie eduok, Ñwed Mbon Colossae 3:5-9; Ñwed Mbon Ephesus 4:22, 25-31.

Enyene ndimen obufa owo emi enyenede mbiet Abasi nsine, Ñwed Mbon Colossae 3:10, 11; Ñwed Mbon Ephesus 4:24.

Enyene ndibana obufa owo emi idem ye mme enọ-mfon Abasi, Ñwed Mbon Colossae 3:12-15; Ñwed Mbon Ephesus 4:32.

Enyene ndida Ikọ Abasi mbok obufa owo emi, kpukpru idaha utom enyene ndibe ke Christ, Ñwed Mbon Colossae 3:16, 17; Psalm 119:11, 97; Jeremiah 15:16; 1 Ñwed Corinth 10:31.

## III Uwem Anditiene-Christ

Iban enyene ndisuhore idem; mme ebe ñko enyene ndinyene mbom mbaña mmọ, Ñwed Mbon Colossae 3:18, 19; Ñwed Mbon Ephesus 5:22-25, 28, 29; 1 Peter 3:1-7.

Ana nditọ-qwọñ ekop item; mme ete ye eka enyene nditim ñkama mmọ, Ñwed Mbon Colossae 3:20, 21; Mme Ñke 8:32; Ñwed Mbon Ephesus 6:1-4.

Nditọ-ufok enyene ndinam utom nte enam enọ Abasi; Mme ete-ufok enyene ndikpe utip emi ekemde, Ñwed Mbon Colossae 3:22-25; 4:1; Ñwed Mbon Ephesus 6:5-9; 1 Ñwed Timothy 6:1, 2; James 5:4.

## SE EKPEPDE EBAÑA

### Eriset Ye Christ

Paul, owo-mbet ama ewet qnọ mbon Colossae abaña akakan enọ-mfon Spirit emi enyenede ubọñ. Enye okokot ete ke qwọq “eset ye Christ.” Eyak nnyin ikere kaña esisit ntak emi ofonde ndinyene enọ eke Spirit emi ye nte nnyin ikemede ndinyene enye.

Ke eritọño, Abasi okobot owo ke mbiet idem Esie onyuñ ayak enye oduñ ke ererimbot emi. Mi ke owo akasaña, eneme-nneme onyuñ enyene ebuana ye Abasi, edi oto ke ntak idiok-ñkpọ, ebuana oro ama abiara ndien mkpa ebe osim kpukpru owo. Emi ama okpon akan mkpa ikpohidem, koro Abasi okodhede ete ke usen eke Adam edidiade mfri eto oro ekekpande enye ete okudia, ke enye iditreke ndikpa; ndien nnyin imofiq ite ke qtonode ke usen oro enye adiade, ukpuhore ama ada itie ke uwem Adam. Enye ikonyuñ iyomke aba ebuana ye Abasi, edi utu ke oro, enye ama efehe okodibe ke ini Abasi ekedide ke inwañ. Ema ebieren mkpa enọ Adam, oro edi mkpa ke Spirit, ndien qtonode ke ini oro, kpukpru nditọ Adam ekemana eduk ke idiok-ñkpọ. David ama etiñ ete “Ñkamana ke ukwañ; eka mi okonyuñ oyomo mi ke idiok”.

Edi Abasi ke akwa ima Esie ama asiak usuñ ubohọ ke ata utibe usuñ onim, usuñ erifak emi qtonode ntak ada idiok-owo adian ye Abasi. Akada Jesus ukut-ukut mkpa ke kros Calvary ndisio

isop idiok-ñkpọ oro. Jesus ama adañ ke udi ke usen ita, mbemiso Enye eset ke mkpa; Paul etiñ ọnọ nnyin ete Enye ekeset man efen mme idiok-ñkpọ nnyin. Ke ini idiok-owo asañade ke Jesus etiene Abasi, ayarade onyūñ ọkpọñde idiok-ñkpọ esie onyūñ onimde Jesus ke akpanikọ nte Andinyaña esie, utibe edinam ada itie. Owo oro amana obufa, oro edi edimana ke Spirit, ndien eset ndisaña ke obufa uwem, akabare edi obufa owo ke Christ, ñkani ñkpọ ebe efep, sese, emekabare edi mbufa. Paul ama etiñ ọnọ mbon Ephesus ete “Mbufo nde ekenyūñ ekpaña ke ndudue ye mme idiok-ñkpọ mbufo” (Nwede Mbon Ephesus 2:10).

Nso utọ utibe ekọm-urua ke Ọbọñ nnyin Jesus ekekpe man oto do nnyin ikpenyene utọ akakan enọ Spirit emi edide “eriset ye Christ”!

### **Edisana Uduak Ye Udọñ**

Ke ini owo ọbode erinyaña, emefen ke kpukpru mme idiok-ñkpọ esie. Kpukpru ndudue mme se akanamde ke idiok-esit, emefen kpukpru ndien idaha emi, enye ada ke iso Abasi nte owo emi akananam minamke idiok-ñkpọ. Idighe utom edinen-ido esie ada utọ edinam emi edi; edinam emi oto mbuotidem ke utom emi Christ akanamde ke Calvary. Edi odu mme ñkpọ eke owo enyenede ndinam, oro edi ndisaña ke item man enye ekpekeme ndisuk ndu ke idak erinyaña tutu osim ini emi enye edidade Heaven enyene nte ebiet iduñ esie. Mme ikọ edinam iba emi Paul etiñde edi “yom” ye “sin esit”; mbiba enyan ubok ewut mme ñkpọ enyọñ, idighe mme ñkpọ isọñ.

Eduwak owo ekeme ndikere ete ke uduak ye udọñ edi idiok-ñkpọ; edi mme ñkpọ emi edi se itode obot idu ke uwem owo, edi ekabare edi idiok edieke edade mmọ enam se idiokde. Utọ mbiet nte uruk-idiāñ eyekọri ọdọk enyọñ edieke enye ekemede ndiwaña ke eto efen emi oniọñde, edi edieke utọ ñkpọ ntre miduhe ndinọ enye uñwam, enye eyenyoni ke isọñ. Kpa ntre ñko, uduak ye udọñ eyedok ke usuñ Heaven edieke esinde mmọ ke ñkpọ enyọñ, edi edieke ayakde mmọ enọ usuñ idem mmọ, mmọ eyenyoni ntre ke isọñ, enyūñ ekeme ndiwọñre nduk ke akakan idiok-ñkpọ.

Uduak me udọñ emi abañade mme ñkpọ uwem emi nte inyene, ukpono, idaresit me odudu, eneñere esik ekpọñ se Paul ọkọñde mbon Colossae item ete eyom. Enye okoyom mmọ emenere enyin ese mme ñkpọ enyọñ ekan nte esede mme mbiara ñkpọ uwem emi. “Sia nnyin midọñke enyin ke se owo okutde ke enyin, edi idọñ enyin ke se owo mikwe ke enyin; koro se owo okutde ke enyin edibede efep, edi se owo mikwe ke enyin eyebighi ke nsinsi-nsinsi” (2 Nwede Corinth 4:18). Udọñ Paul ekedi ima emi Anditiene-Christ emade Abasi, akpanikọ Esie ye edinen-ido Esie ekpebuaha ye edisana udọñ ke ndinam utom Ọbọñ man eda mme owo emi ekpetakde ke ekim idiok-ñkpọ esin ke akwa uñwana uwọrọ-ufin Eti-mbuk Jesus Christ. Ke abaña edisana udọñ emi abañade Abasi, Paul ama oyom mbon Colossae enyene “nsuk-idem, ifure-ifure ido ye ime”; koro enye ama ọfiok ete ke owo ekeme ndiyak ofuri uwem esie nnọ Abasi ndien osuk aka iso ọsuhọre idem. Owo ekeme ndisuhọre idem ke akpanikọ, imenekere idem, inamke ñkpọ ndinyaña idem mme ndisio usiene nnọ idem esie, enye ekeme ke ukem ini oro ndinyene ọyọhọ uko ke Abasi ke ndisaña ke usuñ Abasi.

Ntak ndinyene edisana uduak ye udọñ emi Paul ekewetde abaña ekedi man “Ke adaña emi Christ, emi edide uwem nnyin, edibiọñre, adañoro ke mbufo ñko eyebiọñre ye enye ke ubọñ”. Ebiet emi ye mme ebiet efen ke ikọ Abasi enam nnyin ifiok ite ke idaha nnyin ke obio-ubọñ edito nte nnyin ibierede ndinam ñkpọ ke ido owo Abasi ye utom oro nnyin ikanamde mi ke esit akpanikọ. Nwọrọ-nda uwut-ñkpọ emi inyenede mi edi Ọbọñ nnyin Jesus Christ ke idem Esie. Ke enye ama ekeset ke mkpa, mme itie unan mkpa ñwaidem oro ekesuk edodu; ndien idaha edimenerede Enye ke ubọñ asaña ekekem ye idaha usuhọre mkpa esuene emi Enye akayakde uwem Esie ọnọ ke ini okodude mi ke isọñ. (Kot Nwede Mbon Philippi 2:8-11). Nte nnyin isañade ikpere mbiet Esie mi ke isọñ, ntre ke idibọ udomo idaha ubọñ Esie ke uwem emi ebede. Nso utọ eti ekikere edi emi, ñko nso uñwam ke ikpenyene ito ekikere emi ke ndiyom mme ñkpọ enyọñ ye ndiyak esit nsin ke mme udọñ emi ebañade ñkpọ enyọñ.

### **Edinam-asana**

Anditiene-Christ emi enamde eset ye Christ, onyūñ akade iso ke edisana uduak ye udọñ ọnọ Ọbọñ ye mme ñkpọ enyọñ, eyesọp okut ete ke ntọtuñọ utom odu emi ikpenyenede ndinam ke esit imọ. Okposuk edi nte ema ekafen ke kpukpru mme idiok-ñkpọ ye mme ukwañ-ñkpọ emi enye akanamde, edi nda-mmana idiok-ñkpọ mmọdo ke esit, uduot idiok-ñkpọ oro enye ekenyenede eto Adam. Paul okot enye “akani owo,” onyūñ etiñ ete ke enyene ndisio enye nduok “ye utom esie”.

Ke ini ibode erifen, uduot idiok-ṅkpọ emi akani owo, okop okposon ita eke etode enye. Ekon enye ke kros enam Enye inyeneke odudu aba, edi enye ikpaha kana. Edi odu ṅkpọ efen emi edinamde akani owo oro akpa, oro edi ke ini enamde esit asana ndien ata ima oduk akara. Ke emi, emen obufa owo esine, “emi edionde-dion enam enye edi obufa, enyene mbiet Andibot enye” (Nwed Mbon Colossae 3:10); “emi ebotde ebiet Abasi ke edinen ido ye edisana ido akpanikọ” (Nwed Mbon Ephesus 4:24). Uduot Abasi emi minyeneke idiok-ṅkpọ oduk owo oro ke idem ndien Paul okot mmọ “mmọ emi Abasi ekemekde, emi Abasi akanamde mmọ esana onyū amade”.

John Edima, ama okut nte eyarade Nwan-ndọ Christ enọ enye, emi ema ekenyū “enọ enye ndisine ediye linen eke asanade onyū esemde; koro ediye linen oro edi edinen ido nti ikot Abasi” (Eriyarare 19:8). Mi Paul okot edisine ṅkpọ emi “esit mbom, mfon-ido, nsuk-idem, ifure-ifure ido, ime, eme ime ye kiet eken, enyū efen kiet eken.” Ndien ke nditan kpukpru emi ndian otọ kiet, Paul etin ete esine ima emi edide se ibode uwem idian inam ofon ama. O nso utọ edisine-ṅkpọ ubon!

### **Edibok Obufa Owo**

Paul ikponke mbon Colossae ntre ntre ndino mmọ item mbaña se ekpenamde man ebok enyū esonọ ke mbuotidem ke abaña obufa owo ke nkan Spirit. Enye etin ete: “Eyak ikọ Christ oduṅ oyohọ-oyohọ ke esit mbufo ke kpukpru eti ibuot; emen Psalm ye ikwọ ye ikọ uwem Spirit ekpep enyū eteme kiet eken, ekwọ itoro enọ Abasi ye esit ekom.” Akana nte enam kpukpru ṅkpọ ke nde ke nde, ewuhọ ke ewuhọ, mi esisit ko esisit. Ikanaha nte mmọ ekpa mba ke ndikop Ikọ Abasi. Ikanaha nte mmọ ekpot ke item ke abaña ekon ke nkan Spirit, edi mmọ ekenyene ndisonọ kiet eken idem ke ndisobo otọ kiet, ke ndikwọ ikwọ nnyū ṅkworọ Ikọ ye ke ndikpep Edisana Ikọ Abasi.

Christ ekenyene ndidi kpukpru ke kpukpru ṅkpọ ke abaña kpukpru edinam mme anditiene-Christ tutu osim kpukpru ikọ ye utom emi enamde ke ikpohidem. Emi nko ekenyene ndida itie ke mme ufok mmọ, edu-uwem mmọ ke ufot mme ebe ye iban ye ndito. Ke mme utom emi mmọ ekenamde ndida nwan ikpok-idem, mmọ ekenyene ndinam nte ṅkpọ eke enamde enọ Obon. Ke kpukpru emi, ata akpan ṅkpọ ke uwem mmọ ekedi ndidu uwem nno Abasi, ndikut nko ete ke imanam mmọ efen enyene ifiok erinyaña ukpon emi otode Christ. Ekeme ndito ke ntak edinam akpanikọ ke utom mmọ ye edidu uwem nte Abasi amade, mme andikpe mmọ utom ebọ erinyaña ukpon. Paul, owo-mbet ye nte owo ṅkpokobi, ama okut nte mbon ṅkpokobi efen nte enye, ebode erinyaña: ekpeme ufok-ṅkpokobi akabare esit, ke akpanikọ idighe koro enye ekenyenede usua mme udu abaña mmọ, edi ekedi koro enye ama enyene ima onọ kpukpru ukpon emi ekeyomde nsinsi ebiet idun ke Heaven.

### **MME MBUME**

- 1 Nso ifiok ke Paul eketin abaña ke ini enye etinde ete “Edieke ekenamde mbufo eset ye Christ”?
- 2 Siak ata akpan edinam iba emi Paul okonode item ete mbon Colossae enam.
- 3 Tin anwana nte ekemedede ndidi mmem-mmem ṅkpọ owo ndinyene ufiop-ufiop udon ndinam utom Abasi ke sun-sun ido ye nsuhore-idem?
- 4 Nso utọ ifiok ke Paul eketin abaña ke ini enye okodohode ete, “Esio akani owo ye utom esie eduok”?
- 5 “Obufa owo” ekenyene ndibiom uduot anie?
- 6 Ekenọ item ete mbon Colossae enam nso man ekeme ndinam obufa owo akaka iso okori?
- 7 Tin usu nte mme enọ mfon emi ekenyenede ndinam utom ke idem owo kiet-kiet ke ufok ye ke ebuana ke ufot ekpe-utom ye anam utom ke okuk.